

Resolución numero: 22

Asunto: O demostratibo de segundo termino

Testo de a resolución

O paradigma de o demostratibo de segundo termino que se consella emplegar (tanto en a funzió de pronombre achetibo como en a de pronombre sustantibo) en a escritura común ye *ixe, íxa, íxos, íxas, íxo*.

Chustificazió

Son as formas más chenerals en a fabla biba de l'Alto Aragón.

Manimenos s'emplega a barián *íxes* de masculino plural en a Bal de Bielsa, Bal de Chistau e puntos de Ribagorza.

As formas *eixe, eixa, eixo* cal considerar-las istoricas e desusatas.

As formas *ise, isa, iso* u *iche, icha, icho* se consideran locals u dialeutals (e amás esfonolochizatas) e no consellables en a escritura común de l'aragonés.

Atra cosa diferén ye a forma *íxes* ta o femenino plural (Alta Bal de Benás), que responde a una estendencia fonolochica local á prenunziar en [es] os plurals rematatos en *-as* en a parti septentrional d'ixa bal.

Bibliografía

NAGORE LAÍN, FRANCHO.: *Gramática de la lengua aragonesa*, 5ena edizió, Zaragoza, Mira Editores, 1989, pp. 82-84.

SAURA RAMI, JOSÉ ANTONIO.: "*La deixis personal en benasqués*", *Estudios de Lingüística*. Universidad de Alicante, 14 (2000), pp. 259-274